



□ 11  
2971  
53





2971  
53

子史鈎沈

子史鈎沈

逸書考

王肅喪服要記

甘泉黃奭學

魯哀公祖載其父孔子問曰寧設桂樹乎哀  
公曰不也桂樹者起於介子推子推晉之人  
也文公有內難出國之狄子推隨其行割肉  
以續軍糧後文公復國忽忘子推子推奉唱  
而歌文公始悟當受爵子推奔介山抱木而  
燒死國人葬之恐其神魂賈於地朱謀瑋云  
賈字誤當  
作賈賈壇弓蒙袂輯屨賈賈然來注賈賈目  
不明貌異苑載子推逃祿隱迹抱樹燒死文

王肅喪服要記

丁酉十一月十八日



公拊木哀嗟伐而製屐每懷割股之功俛視其屐曰悲乎足下足下之稱將起於此矣

故作桂樹焉作樹史本吾父生於宮殿死於枕

席何用桂樹為水經○披麗道元云夫子尚非璠璣送葬安能謂桂樹為

禮乎王肅此証近於誣矣

孔子問曰寧設三桃湯乎哀公曰不也桃湯

起於衛靈公有女嫁楚乳母送就夫家道聞

夫死乳母欲將新婦返新婦曰女有三從今

屬於人死當卒哀因駕素車白馬進到夫家

治三桃湯以沐死者出東門北隅禮三終使

死者不恨吾父無所恨何用三桃湯為御覽

孔子問曰寧設五穀囊乎哀公曰不也五穀

囊者起伯且叔齊讓國不食周粟而餓於首

陽之山恐魂之飢故作五穀囊吾父食味含

哺而死何用此為類聚

孔子問曰寧設菰廬乎哀公曰不也菰廬起

太伯太伯出奔聞古公崩還赴喪故作菰廬

以障其尸吾父無太伯之罪何用此為全

孔子問曰寧設桐人乎哀公曰不也桐人起



於齊人虞卿遇惡繼母不得養父死不能葬  
知有過故作桐人吾父生得供養何用桐人  
為

孔子問曰寧設魂衣乎哀公曰不也魂衣起

宛荆宛荆於山之下道逢寒死友哀一作羊

往迎其尸憫神之寒故作魂衣吾父生服錦

繡死於衣被何用魂衣為上全

孔子問曰寧設表門乎公曰夫表門起於禹

禹治洪水故表其門以紀其功吾父無功何

用焉路史注







能視而見衣冠之疇心能識而觀其賢愚常  
以元冬脩夜思而未之得也忽然而寢夢黃  
髮之士姓元名明字子真與余寤言言必有  
中夢中指言褒貶之事子授其人子真評之  
析違通理善否之間無所依違命操筆者書  
之近從建武以來暨於斯今其人既亡行乃  
可書玉石朱紫由此定矣故謂之決錄後漢書趙

岐傳注 御覽三百九十九 玉海五十八

賈建

建字長君

史外戚世家 索隱

何比干

汝南何比干通律法元朔中公孫洪辟爲廷尉右平獄無冤民號曰何公征和初去官在家天大陰雨晝寢夢有客車騎覺而一老嫗年八十餘頭盡白求寄避雨雨方甚而嫗衣履不濡比干異之延入坐須臾雨止嫗辭去出送至門跪謂比干曰君先出自后稷堯至晉有陰德及公之身當繼公一人今天賜策



以廣公子孫佩印綬者當隨簡長九寸凡百  
九十板以授比干曰子孫佩印綬者當隨此  
算嫗東行忽不見比干年五十八有六男後  
三歲復生三男徙平陵八男去一子留常祭  
嫗如東行及終遺令東首自比干已下與張  
氏俱授靈瑞累世為名族三輔舊語曰何氏  
策張氏鉤也太平廣記三百九十一  
字少卿漢武帝時丞相公孫宏舉為廷尉右  
平書鈔五十五說郭五十九御覽二百三十一引作注

注曰茂陵何比干漢武時為廷尉右平

同

案後漢書何敞傳敞六世祖比干為廷尉  
正注引何氏家傳俱不言右平杜佑通典  
云漢宣帝地節三年初于廷尉置左右平  
而三輔決錄注云何比干漢武時為廷尉  
右平謬矣據此則何比干漢武時為廷尉  
無右平字冲治注乃云然耳

接子

接子所著書十篇

姓纂二十九葉廣韻注引有接子

案王應麟漢志攷史記接子齊人  
慎到同時皆學黃老正義引藝文志接子  
二篇此云武帝時說當攷應麟又引三輔  
決錄有接子愚案漢志注似非一家之

省支三補象



言守節探衆訓釋作正義所見漢書注云  
齊人者當是舊說若便合下四字守節不  
得截取之以證史記矣其以爲武帝時說  
者或是師古依決錄之說另有此注但宜  
有師古曰三字別之不知何時脫去遂附  
合爲一歟林寶姓纂捷姓引漢志捷子三  
篇云齊人無下四字似寶作書亦止見舊  
說也接姓更引三輔決錄接子書十篇又  
與漢志篇數不符接子所未審何  
時人今因有武帝時說姑識於此

鄭樸

于真名樸

前漢書王吉兩  
龔鮑傳序注

嚴尊

平名尊

同上

韋元成

淮陽憲王宣帝愛子器異其才欲以爲嗣王  
恃寵自驕天子乃用韋元成爲中尉以輔導  
之爰詔與蕭望之等論五經同異於石渠閣

御覽二百  
四十八

劉龔

向曾孫

後漢書蘇  
竟傳注

長安劉氏唯有孟公談者取則

文選上文  
憲序注

注曰唯有孟公論可觀者班叔度與京兆

道按三輔決錄

四



丞郭季通書曰劉孟公藏器於身用小篤  
固實瑚璉之器宗廟之寶也後漢書注同上

彌強

王莽時彌強姓纂五支

范仲公

平陵范氏南陽舊語曰前隊大夫范仲公鹽  
豉蒜果共一笥言其廉儉也御覽四百三十一卷八百五十一卷

五百七十九卷

案顏氏家訓書證篇引三輔決錄云前隊大夫范仲公鹽豉蒜果共一笥果當作禮

穎之穎北土通呼一出為一穎蒜穎是俗  
間常語耳故陳思王鷄雀賦曰頭如果蒜  
目似花椒又道經云合口誦經十戶瓊瓊  
眼中淚出珠子碾碾其字雖異其音與義  
頗同江南但呼為蒜符不知謂為穎學士  
相承讀為裏結之裏言鹽與蒜共苞一裏  
內箭中耳正史削繁音義又  
音蒜穎為苦戈反皆失也

張仲蔚

張仲蔚平陵人也與同郡魏景卿俱隱身不

仕明天官博物好屬詩賦所居蓬蒿沒人御覽

九百九十七卷藝文類聚八十二卷文選詣建平王書注

蔣詡



蔣詡字元卿隱於杜陵舍中三徑唯羊仲求

仲從之遊二仲皆挫廉逃名之士御覽四百九文選

田南樹園激流植援詩注 奉答內兄願希

叔詩注 歸去來辭注 初學記十八 廣韻注引漢有求仲 說郛五十九

王邑

王邑為仲弟奇求蔣翊女盛服送之翊辭不

受疑有脫字但衣青布曰受父命不敢違邑乃歎

曰所以與賢者婚欲為此也書鈔一百二十九

金敞 第五巡 韋端

陶潛羣輔錄曰孝廉杜陵金敞字元休上計掾長陵第五巡字文休上計掾杜陵章端字甫休同郡齊名時人號之京兆三休並以光武元年察舉見三輔決錄

卓茂

卓茂字子康元帝時遊學長安以儒行為給

事黃門郎御覽二百二十一 藝文類聚四十八

杜恕

杜恕字務伯拜黃門侍郎每直省閣威儀矜

嚴御覽類聚 並同上

馬后



馬后志在克己輔上不以私家干朝廷兄爲  
虎賁中郎將弟爲黃門侍郎訖永平世不遷  
御覽類聚  
並同上

馬援

馬援誠兄子書龐伯高敦篤周慎口無擇言  
吾愛之重之願女曹效之世祖見援書卽擢  
爲零陵太守在郡四年甚有治化御覽二百  
五十九

藝文類  
聚五十

茂陵馬氏

茂陵馬氏代襲茅土

文選爲宋公求加  
贈劉將軍表注

王元

平陵之王惠而鏘鏘激昂囂述困於東平

書隗囂  
傳注

耿援

注曰援字伯緒官至河東太守

後漢書耿  
弇傳注

史苞

注曰苞字叔文茂陵人也

後漢書竇  
融傳注

鮑恢

道安三輔決錄



龜恢父為縣吏有罪令欲殺之恢年十三常伏門外凍地晝夜號泣令感而赦之御覽四百八十六

郭伋

茂陵郭伋為潁川化如時雨文選齊安陸昭王碑文注

注曰伋字細侯光武拜潁川太守同上

第五頡

第五頡字子陵倫小子以清正為郡功曹至荆從事公府辟舉高第侍御史南頓令皆稱

無免洛陽無主人鄉里無田宅寄止靈臺中

或十日不炊御覽四百八十五 藝文類聚

五十九 案御覽二百二十九 引為諫議大夫

注曰頡字子陵為郡功曹州從事公府辟

舉高第為侍御史南頓令桂陽南陽廬江

三郡太守諫議大夫洛陽無主人鄉里無

田宅寄止靈臺中或十日不炊司隸校尉

南陽左雄太史令張衡尚書廬江朱建孟

與皆與頡故舊各致禮餉頡終不受後漢書第



玉盈  
傳注

辛繕

辛繕字公文少治春秋詩易隱居宏農華陰  
弟子受業者六百餘人居旁有白鹿甚馴不  
畏人

藝文類聚九十五  
說部五十九

注曰辛繕字公文治春秋讖緯隱居華陰  
光武徵不至有大鳥高五尺雞首鸚領蛇  
頸魚尾五色備置而多青棲繕槐樹旬時  
不去宏農太史問百僚咸以為鳳

太史令蔡衡對曰凡象鳳者有五多赤色  
者鳳多黃色者鸕雛多青者鸞多紫者鸞  
鶩多白者鷓鴣今五色多青乃鸞非鳳也

上善其言三公聞之咸避位辟繕繕不起  
御覽九百十六又九百十五引決錄注  
太史令蔡衡云色多紫者鸞鶩 藝文類  
聚九十引同  
惟鷓鴣作鷓

孫晨

孫晨字元公家貧不仕居杜城中織箕為業  
明詩書為郡功曹冬月無被有藁一束暮臥

道成三補決錄

九



其中旦收之

御覽二十七 作薪收作燒

四百八十五 九百九十七引

決錄文少略 藁又作蒿

孫晨字元公為鉅鹿太守寶之子家貧為郡

功曹其將軍馬防聞名餽錢四百萬晨不敢

拒受而埋之閣內

書鈔三十八

井丹

井丹字大春少通五經善談論故京師為之

語曰五經紛綸井大春

書鈔

梁松

井丹舉室疫病梁松自將醫藥治丹

御覽七百四十一

竇攸

注曰竇攸舉孝廉為郎世祖大會靈臺得

鼠如豹文熒熒光澤世祖異之以問羣臣

莫能知者攸對曰鼯鼠也詔問何以知之

對曰見爾雅詔案祕書如攸言賜帛百匹

文選薦士表注

玉氏



杜陵有玉氏

史孝武本紀索隱

案孝武紀公玉帶索隱曰玉或音肅姚氏按風俗通公玉音語錄反三輔決錄音肅說文以為从玉音畜牧之畜今讀公玉與決錄音同然姓單復有異單音肅後漢司徒王況是其後也玉氏未審何時人今因孝武紀索隱之辨姑識於此

韋孟達

公孫伯達

魏達

陶潛羣輔錄曰大鴻臚韋孟達土黨太守公孫伯達河陽長魏達扶風平陵人同郡齊名世號三達孟達名彪丞相賢五世孫明帝時人見決錄

晉文經

晉馮

姓纂

魏有晉文經漢有晉馮

案經通帝時人情其才智行業無聞焉明帝時人自為京兆祭酒結髮修身白首樂道二子並漢時人廣韻注引晉本唐叔虞之後以國為氏魏有晉鄙王應麟姓氏急就篇注引後漢晉文經晉馮

周季貞

周季貞班固姊之子也善屬文喪婦作問神

其姨曹大家難之

御覽五百二十一

張宇

張宇穆之第二子也以父功當封自言兩目失明天寸信之乃封弟恭其小弟好戲無度



放散家財悉以所得千萬與之天子聞而嘉之又知其讓封徵拜議郎御覽五百十六

何敞

何敞字文高為汝南太守章帝南巡過郡有刻鏤屏風為帝張設命侍中黃香銘之曰古典務農雕鏤傷民忠在竭節義在修身敞懼禮賢命士政修德化御覽九十一 五百九 藝文類聚六十九 白帖十四 玉海九十一

馮豹

馮豹字仲文母為父所出後母遇之甚酷豹事之愈謹時人為之語曰道德彬彬馮仲文

御覽四百三十四 四百九十六

馮豹字仲文為尚書郎每奏事未報常伏省闈下或自昏至明天子默使人持被覆之敕令勿驚也日暮諸郎下豹每在後帝嘉之初學

記十一 說 郭五十九

梁鴻

梁鴻東出關過京師作五噫歌曰遵彼北邙



兮噫顧瞻帝京兮噫宮闕崔巍兮噫民之劬

勞兮噫遼遠未央兮噫肅宗聞而悲之求鴻

不得御覽五百七十二  
事類賦十一注

賈逵

賈逵建初元年受詔列春秋公羊穀梁不如

左氏四十事春秋名左氏長義帝大善賜布

五百匹御覽六  
百十

丁邯

丁邯字叔春正直不撓舉孝廉為郎以八

次補之世祖改用孝廉選邯補為郎邯稱疾

不就詔問實病羞為郎乎對曰臣實不病恥

以孝廉為令史職耳世祖怒使虎賁杖之數

十詔問欲為郎不邯曰能殺臣者陛下也不

能為郎者臣也詔出不拜郎御覽六百五十五  
書鈔四十五

注曰故事尚書郎以令史久缺補之世祖

始改用孝廉為郎以孝廉丁邯補焉邯稱

疾不就詔問實病羞為郎乎對曰臣實不

病恥以孝廉為令史職耳世祖怒曰虎賁



滅頭杖之數十詔問欲為郎不邯曰能殺  
臣者陛下不能為郎者臣中詔遣出竟不  
為郎邯字叔春京兆陽陵人也有高節正  
直不撓後拜汾陰令治有名迹遷漢中太  
守妻弟為公孫述將收妻送南鄭獄免冠  
徒跣自陳詔曰漢中太守妻乃繫南鄭獄  
誰當搔其背垢者懸牛頭賣馬脯盜跽行  
孔子語以邯服罪且邯一妻冠履勿謝治  
有異卒於官

後漢書石  
官志注

王調

注曰調字叔和為河南尹永和二年坐買  
洛陽合同郡任稜竹田及上罷城東漕渠  
免官

後漢書樂  
恢傳注

曹成

齊相子穀頗隨時俗

後漢書列  
女傳注

注曰曹成壽之子也司徒掾察孝廉為長  
垣長母為太后師徵拜中散大夫子穀即  
成之字也

同上



樂已

注曰已字伯文為郎非其好也去官後漢書樂

恢傳

耿寶

注曰寶字君達後漢書耿

趙牧

注曰牧字仲師長安人少知名以公正稱  
修春秋事樂恢恢以直諫死牧為陳寯得  
申高第為侍御史會稽太守皆有稱績及

誣奏恭安帝疑其侵乃遣御史母邱欲覆

案其事實下牧廷尉會赦不誅終於家後漢

書孝明八

曹衆

注曰衆與鄉里蘇孺文實伯向馬季長並

遊宦惟衆不遇以壽終於家後漢書蘇

摯恂

注曰恂字季直好學善屬文隱於南山之

陰後漢書馬



蘇章

蘇章為冀州刺史行部有故人為清河太守案得其好貨乃請太守設酒接以溫顏太守喜曰人各有一天我獨有第二天章曰今夕蘇孺文與故人歡飲私恩也明日冀州刺史白奏事公法也遂舉正其罪

藝文類聚五十一

崔瑗

蘇章為冀州刺史召安平崔瑗為別駕

御覽二百

士孫奮

平陵士孫奮字景卿少為郡五官掾起宅得錢貲至一億七千萬富聞京師而性儉悛客舍僱錢甚少主人曰君士大夫惜錢如此欲作士孫景卿耶不知實是景卿從子端梁冀掾奮送絹五疋食以乾魚問奮何以相送端以實對冀素聞奮富且悛乃以一鏤衢鞍遺奮從貸五千萬奮知冀貪暴畏之以三千萬與冀大怒乃告郡詐認奮母為守官藏婢云



盜白珠十斛紫金千萬收考奮兄弟死獄中

貲財盡沒御覽三百五十八 四百三十一 四百三十七 初

學記二十二 說郭五十九 後漢書梁冀傳注引士孫奮字景卿少為郡五官掾起家

得錢貲至一億七千萬富聞京師作孽虞三輔決錄注

王謚

王謚字子嗣博學有才辨洛陽种景伯武原

吳季高未知名謚數稱二人於朱伯厚有宰

輔之器退語二人曰卿必為公後景伯至司

徒季高至司空世以是服謚之知人也御覽四百五

四十

馬融

馬融為南郡太守三輔以融在郡貪濁受主

記掾岐肅錢四十萬融子强又受吏白向錢

六十萬布三百疋以肅為孝廉向為主簿又

坐忤大將軍梁冀竟髡徒朔方自刺不死得

赦還拜議郎御覽六百四十一

公法真

注曰真字高卿少明五經兼通識緯學無



趙山三輔錄  
常師名有高才常幅巾見扶風守守曰哀  
公雖不肖猶臣仲尼柳下惠不去父母之  
邦欲相屈爲功曹何如真曰以明府見待  
有禮故四時朝覲若欲吏使之真將在北  
山之北南山之南矣扶風守遂不敢以爲  
吏初真年未弱冠父在南郡步往候父已  
欲去父留之待正旦使觀朝吏會會者數  
百人真於窗中窺其與父語畢問真孰賢  
真曰曹掾胡廣有公卿之量其後廣早歷

九卿三公之位世以服真之知人前後徵  
辟皆不就友人郭正美之號曰元德先生  
年八十九中平五年卒正父衍字季謀司  
徒掾廷尉左監

蜀志法  
正傳注

不趙襲

趙襲字元嗣爲燉煌太守先是杜伯度崔子  
玉以工草書稱於前世襲與羅暉亦以能草  
頗自矜夸故張伯英與襲同郡太僕朱賜書  
云上比崔杜不足下方羅趙有餘也

御覽七  
百四十



九藝文類聚七十四

趙岐三輔決錄

注曰龔字元嗣先是杜伯度崔子玉以工草書稱於前代龔與羅暉拙書見蚩於張伯英英頗自矜高與朱賜書曰上比崔杜不足下方羅趙有餘也

後漢書趙岐傳注

趙無忌

注曰岐長兄磐州都官從事早亡次兄無

忌字世卿部河東從事為唐玳所殺

後漢書注

同

陳重

陳重與其友雷義俱拜尚書郎義以左黜重

見義去官亦以病免

通典職官志注

弭生

弭生字仲叔其父賤故張伯英與李幼才書

曰弭仲叔高德善名命世之才也非弭氏小

族所當有新豐瘠土所當出也

藝文類聚二十九說郛

五十

案姓纂五支彌姓引漢末新豐人中叔見

決錄廣韻彌字注引三輔決錄有新豐彌

十九



升當卽是仲叔王應麟姓氏急就篇引洪錄作弭生字仲升

賈彪

賈彪兄弟三人並有高名彪最優故天下稱

曰賈氏三虎偉節最怒御覽四百九十六

魯寬

桓帝以平陵魯寬為太子門大夫御覽二百四十七

韋約案後漢書作韋豹

韋約字季明司徒劉愷甚敬重之謂曰君以輕去就去大位不躋今歲垂選御史實欲煩

君約曰犬馬齒盡既無膂力又無考課所以躊躇戀慕者以明公禮遇隆崇未能自割因稱素有風疾眩冒不堪久侍遂徒跣趨出公追不及御覽二百二十七說郛五十九

宋豐

注曰豐字伯遇後漢書靈帝宋皇后紀注

孟他

平陵孟他盡以家財賂張讓監奴眾奴慙焉時賓客求見讓者常數百乘累日不得通他



後至諸奴拜迎徑將他車獨入眾謂他與讓

善以珍物賂他他得以賂讓藝文類聚三十五

九御覽五百引奴慙下有問

扶風孟他以蒲萄酒一斛遺張讓即以為涼

州刺史御覽九百七十一後漢書張讓傳引作字伯郎云云作決錄注

伯郎涼州人名不令休其魏志明帝紀注案孫淵如讀本以

此絕句侯攷

注曰伯郎姓孟名他扶風人靈帝時中常

侍張讓專朝政讓監奴典護家事他仕不

遂乃盡以家財賂監奴與其結親積年家

業為之破盡眾奴皆慙問他所欲他曰欲

得卿曹拜耳奴被恩久皆許諾時賓客求

見讓者門下車常數百乘或累日不得通

他最後到眾奴伺其至皆迎車而拜徑將

他車獨入眾入悉驚謂他與讓善爭以珍

物遺他他得之盡以賂讓讓大喜他又以

蒲萄酒一斛遺讓即拜涼州刺史他生達

少入蜀同上御覽五百四十二引作決錄略同



田鳳

長陵田鳳字季宗為尚書郎儀兒端正入奏事靈帝目送之因題殿柱曰堂堂乎張京兆

田郎

御覽二百十五

案顏氏家訓勉學篇引三輔決錄云靈帝殿柱題曰堂堂乎張京兆田郎蓋引論語偶以四言曰京兆人田鳳也有一士才乃言時張京兆及田郎二人皆堂堂耳聞此說初大驚駭其後尋愧悔焉

鄭達

鄭達字文信累辟不就大將軍何進表為從

事中郎達志越其儔

書錄

嚴象

象字文則京兆人少聰博有膽智以督軍細史中丞詣揚州討袁術會術病卒因以為揚州刺史建安五年為孫策所殺太守李術所殺時年三十八象同郡趙岐作三輔決錄恐時人不盡其意故隱其書雖以示象魏志荀案後漢書荀彧傳注引此文少略膽智作膽智

士孫瑞

三輔決錄

三



瑞字君榮扶風人博達無不通天子都許追  
論瑞功封子萌津亭侯萌字文始有才學與  
王粲善粲作詩贈萌

後漢書董卓傳注

注曰瑞字君榮扶風人世為學門少傳家  
業博達無所不通仕歷顯位卓既誅遷大  
司農為國三老每三公缺瑞常在選中太  
尉周忠皇甫嵩司徒淳于嘉趙溫司徒楊  
彪張喜等為公皆辭拜讓瑞天子都許追  
論瑞功封子萌澹津亭侯萌字文始有才學

才學與王粲善臨當就國粲作詩以贈萌  
萌有答在粲集中

魏志董卓傳注

士孫萌

注曰士孫孺子名萌字文始少有才學年  
十五能屬文初董卓誅也父瑞知王允必  
敗京師不可依乃命萌將家屬至荊州依  
劉表去無幾果為李傕等所殺及天子都  
許昌追論誅董卓之功封萌為澹津亭侯  
與山陽王粲善萌當就國粲等各作詩以



趙明三輔決錄  
贈萌於今詩猶存也文選贈士孫文始詩注

馬日磾

注曰日磾字翁叔馬融之族子少傳融業

以才學進與楊彪盧植蔡邕等典校中書

歷位九卿遂登台輔後漢書袁紹傳注魏志袁術傳注後

漢書馬融傳注引決錄注日磾字翁叔

周魚

注曰魚字文明茂陵人後漢書袁術傳注

游殷

游殷字幼齊與司隸校尉胡軫有隙軫誣搆

殺之初殷為郡功曹有童子張旣者時未知

名為郡書佐殷察異之旣過家具設賓饌及

旣至妻笑曰君甚悖乎張德容童昏小兒何

異殷曰卿勿怪乃方伯之器也殷遂與旣論

霸王之事饗訖以妻子託之軫害殷月餘得

病曰脫但言伏罪游幼齊將鬼來於是遂死

諺曰生有知人之明死有鬼靈之驗御覽四百四十九十六

道枝三輔決錄

二四



游殷為胡軫所害同郡吉伯房郭公休與殷同歲相善為總麻三月御覽四百九

張既

張既字德容為童兒郡功曹游殷察異之殷先歸敕家設賓饌及既至殷妻笑曰張德容童昏小兒何異客哉殷曰方伯之器也殷遂

與論霸王之略饗訖以子楚託之

御覽三百八十五

四百五引決錄穎陽游殷字季齊初為郡功曹有童子張既者時未知名為郡書佐接人殷察異之云云餘小異

穎陽游殷為郡功曹有童子張既為書佐殷察異之具設賓饌以子楚託之後魏王以既為雍州時漢興郡闕王以問既既稱楚文武兼才遂以為漢興太守藝文類聚五十三

注曰既為兒童為郡功曹游殷察異之引既過家既敬諾殷先歸敕家具設賓饌及既至殷妻笑曰君其悖乎張德容童昏小兒何異客哉殷曰卿勿怪乃方伯之器也殷遂與既論霸王之略饗訖以子楚託之



既謙不受殷固託之既以殷邦之宿望難  
違其旨乃許之殷先與司隸校尉胡軫有  
隙軫誣搆殺殷殷死月餘軫得疾患目脫  
但言伏罪伏罪游功曹將鬼來於是遂死  
於時關中稱曰生有知人之明死有貴神  
之靈子楚字仲允為蒲阪令太祖定關中  
時漢興郡缺太祖以問既既稱楚才兼文  
武遂以為漢興太守後轉隴西

游楚

魏志張既傳注

游楚表乞官拜騎馬都尉楚不學問性好  
遨遊音樂及諸歌者琵琶箏笛每行來將以  
自隨

韋康

韋康字元將京兆人孔融與康父端書曰前  
日元將來淵才亮茂雅度宏毅偉世之器也  
昨日仲將又來懿性貞實文慙篤誠保家之  
主也不意雙珠近出老蚌甚珍貴之端從涼  
州牧徵為太僕康代為涼州刺史時人榮之



後為馬超所圍堅守歷時救軍不至遂為超

所殺仲將名誕魏書荀或傳注 御覽五百

云 藝文類聚五十八引無甚珍貴之以下云

引 康代父為涼州刺史父出止傳舍康入

官字時

人榮之

韋元將年十五身長八尺五寸為郡主簿楊

彪稱曰韋主簿年雖少有老成之風昂昂千

里之駒

御覽二百六十五 書鈔

韋誕

韋誕字仲將除武都太守以書不得之郡轉

侍中典作魏書號散騎書一名大魏書凡五

十篇洛陽鄴許三都宮觀始就命誕銘題以

為永制以御筆墨皆不任用因奏曰夫工欲

善其事必先利其器用張芝筆左伯紙及臣

墨皆古法兼此三具又得臣手然後可逞徑

丈之勢方寸千言御覽七百四十七 藝文

九併引無皆不任用上云云首有韋誕奏

蔡邕自矜能兼斯喜之法非執素不妄下筆

下接夫工欲

馬氏五人

省文三浦央家

三七



五門子孫凡民之伍今在河南西四十里澗  
穀洛三水之交傳聞馬氏兄弟五人共居此  
地作五門客舍因以為名主養猪賣豚故民  
為之語曰苑中三公鉅下二卿五門嚙嚙但  
聞豚聲御覽四百九十六  
八百二十八

注曰馬氏兄弟五人共居澗穀二水之交

作五門客舍因以為名御覽六十二  
水經澗水注

注又曰鉅下地名後漢書馬  
嚴傳注

金旋

注曰金旋字元機京兆人歷位黃門郎漢  
陽太守徵拜議郎遷中郎將領武陵太守  
為備所攻劫死子禕事見魏武本紀蜀志  
先主

傳

金禕

金禕為郡上計留在許都時魏武使長史王  
必將兵衛天子於許都禕與必善必見禕有  
胡婢善射必常請之從役也藝文類聚三十  
五初學記十

九說郭  
五十九



時有京兆金禕字德偉自以代為漢臣迺發憤與耿紀韋晃欲挾天子以攻魏南援劉備事敗夷三族

後漢書獻帝紀注

注曰時有京兆金禕字德偉自以世為漢臣自日磾討莽何羅忠誠顯著名節累葉覩漢祚將移謂可季興乃喟然發憤遂與耿紀韋晃吉本本子邈邈弟穆等結謀紀字季行少有美名為丞相掾王甚敬異之遷侍中守少府邈字文然穆字思然以禕

慷慨有日磾之風又與王必善因以聞之若殺必欲挾天子以攻魏南援劉備時關羽疆盛而王在鄴留必與兵督許中事文然等率雜人及家僮千餘人夜燒門攻必禕遣人為內應射必中肩必不知攻者為誰以素與禕善走投禕夜喚德偉禕家不知是必謂為文然等錯應曰王長史已死乎卿曹事立矣必乃更他路奔王曰必欲投禕其帳下督謂必曰今日事竟知誰門



而投入乎扶必奔南城會天明必猶在文  
然等衆散故敗後十餘日必竟以創死

魏志

射咸

漢末大鴻臚射咸本姓謝名服天子以為將  
軍出征姓謝名服不祥也改姓射名咸子登

登蜀郡太守授中郎將

廣韻四十禡注  
姓纂說郛五十

九王應麟姓

氏急就篇注

射援

注曰援字文雄扶風人也其先本姓謝與  
北地諸謝同族始祖謝服為將軍出征天  
子以謝服非令名改為射子孫氏焉兄堅  
字文固少有美名辟公府為黃門侍郎獻  
帝之初三輔飢亂去官與弟援南入蜀依  
劉璋璋以堅為長史劉備代璋以堅為廣  
漢蜀郡太守援亦少有名行太尉皇甫嵩  
賢其才而以女妻之丞相諸葛亮以援為  
祭酒遷從事中郎卒官

蜀志先  
主傳注

道支三輔決錄

三



項仲山

案項仲山以下十六條未審  
係何時人俟考今編附於後

安陵清者有項仲山每飲馬渭水嘗投三錢

以償之

御覽六十二 四百二十八  
初學記六 說郭五十九

郭詳

郭詳為太尉長史起大宅在高陵城西世稱

曰長史宅

藝文類聚  
六十四

邱訢

邱訢傲俗自謂無伍

御覽五百八 案皇甫  
謐高士傳序邱訢於摯

恂法真  
之上

吉闕

吉闕幼有美名九歲明尚書舅何邈死家貧

子幼闕自造墳塋殯葬之

御覽五百  
二十一

張氏何氏

張氏得幾何氏得算故三輔舊語曰張氏鉤

何氏算何氏肥張氏瘦何氏有肥人輒貴瘦

人輒賤張氏瘦者輒貴肥者輒賤故二族以

鉤算知吉凶以肥瘦知貴賤

御覽三百七十  
八引作決錄注

五十九



張氏先為京都功曹晨時早起忽有鳩從內  
飛下投入張氏懷中探之得一銅鉤官至數  
郡太守後失鉤官亦絕矣白帖

竇元

平陵竇叔高以經術稱文選褚淵碑文注

竇叔高名元為郡上計吏朝會數百人儀狀  
絕眾天子異之詔以公主妻之出朝同輩調  
笑焉叔高時已自有妻不敢以聞方欲迎婦  
與訣未發而詔叔高就第成婚御覽二百八十九文選

在引摯虞曰

案白帖引後漢竇元形貌絕異天子以公  
主妻之舊妻與元書曰棄妻斥女敬白竇  
生卑賤鄙陋不如貴人妾日已遠彼日已  
親何所告訴仰蒼呼天悲哉竇生衣不厭  
新人不厭故悲不可忍怨不  
自去彼獨何人而居我處

王豹

王豹出自單門文選王文憲集序注

摯茂

摯茂字子華以茂才為郡法曹治財至大富  
悉散以分宗人先從貧始以壽終御覽四百七十七



龐勃

高陵龐智伯名勃為郡小吏東平衡農為書  
生窮乏客鍛於勃家智伯知其賢尤加禮待  
願值過償及去送十里過舅家復貸錢贈之  
農不肯受勃曰不受令勃不安農乃受曰為  
馮翊丞相報後果為馮翊太守勃為門下書  
佐忘之矣農詔問乃悟舉孝廉為尚書郎左  
右丞魏甄太守河內太守御覽四百四十四  
四百七十九引  
衡農下章字第二字當是字  
前卿 藝文類聚三十三

韋伯考

杜陵韋伯考鬻書養親既登常伯貂璫煌煌  
承事尤謹書鈔一百  
二十七

畢雲

畢雲為主簿剛直樂善火燒楊園詔推之雲  
自考劾遂死書鈔七  
十三

韋權

權弟瓚

瓚弟矩

陶潛羣輔錄曰韋權字孔衡弟瓚字孔玉  
瓚弟矩字孔規太尉掾韋子才之三子皆  
修仁義兄弟孝友逢盜賊一人病不能去  
兄弟相募兵至俱死時人稱之號韋三義



見三輔  
決錄

希海

希海字子江

廣韻八  
微注

渦尚

扶風太守渦尚

廣韻七  
歌注

侵恭

案廣韻二十一侵注侵  
姓三輔決錄有侵恭

段氏

段氏李老君之自出段干木之子隱如入關

去干為段氏

姓纂  
十九換

竇氏青山

文帝竇后名漪清河觀津人也父遭秦之亂

隱身漁釣墜淵而卒景帝即位后登尊號遣

使者更填父所墜淵而築起大墳觀津城南

青山是也

御覽三百九十六  
五百  
五十八  
書鈔九十四

注曰孝文竇皇后父隱身漁釣墜淵而卒

景帝立后為太后更填父所墜淵而葬起

大墳於縣城南民號曰竇氏青山

後漢書  
郡國志



注

案史記外戚世家索隱引摯虞洪錄注淵作泉民作人避唐諱也

辟雍

辟雍水四周於外象四海也

御覽五百三十四

未央宮

未央宮有延年殿合歡殿四車殿昭陽殿

黃圖

甘泉宮

后從帝行幸於甘泉宮居長定宮孝成許皇

后廢處昭臺宮歲餘徙長定宮

同上三百五十五

六引決錄后從帝幸甘泉宮居長定宮

長安門

長安城面三門四面十二門皆通達九達以相經緯衢路平正可並列車軌十二門三塗洞開隱以金椎周以林木其左右出入為往來之徑行者升降有上下之別

黃圖一百七十三

昆明池



皇明池中有神池通白鹿原人釣魚綸絕而去夢於漢武帝求去鉤帝明日戲於池見大魚銜索帝曰豈夢所見也取而放之後三日池邊得明珠一雙帝曰豈魚之報耶御覽八百二

便橋

長安城西門曰便門橋北與門相對因號便橋王莽更名曰信平門誠正亭黃圖一

酆鎬

注曰鎬在酆水東酆在鎬水西相去二十

五里

後漢書郡國志注

京兆

注曰京大也天子曰兆民同上

扶風

注曰扶助風化也同上

馮翊

注曰馮馮也翊明也同上案韻會十三職翊字注引三輔決

錄注馮輔也翊佐也作張晏說可與漢志注參攷

鰓魚

道安三輔決錄

三云



鰓魚肥豕甚美諺曰寧去累世宅不去鰓魚

額五色

附五曰趙岐嘉年三十餘有重疾臥蓐七年自

慮奄忽乃爲遺命敕兄子曰丈夫生一世處

無箕山風公之操仕無伊摯呂尚之勲天不

我與復何言哉聊立一圓石樹吾墓前刻之

曰漢有逸民姓趙名嘉有志無時命也奈何

後病愈御書五百五十八

九

注曰岐娶馬敦女宗姜爲妻敦兄子

至岐家多從賓與從妹宴飲作樂日夕乃

出過問趙處士所在岐亦厲節不以姝

之故屈志於融也與其友書曰馬季長雖

有名當世而不持士節三輔高士未嘗以

衣裾敝其門也岐曾讀周官二義不通一

往造之賤融如此也後漢書趙岐傳注

岐爲皮氏長抑彊討姦大興學校同上

趙岐避難於四方江海岱霍無所不到自匿



姓名布衣布絮賣餅北海市安邱孫嵩年二十餘乘犢車遊市見趙岐微察知非常人問曰自有餅耶曰販之嵩曰買幾錢賣幾錢岐曰買三十賣亦三十嵩曰視處士之狀非賣餅者駐車呼與共載曰我北海孫賓也終不相負岐聞嵩即以實告遂與俱歸嵩家積年母曰今日出得死友在外岐即匿嵩家積年乃出後詣劉表時北海孫嵩流離在劉表末座不為表所識岐遙識之向表說嵩甚奇重

之因共表嵩為青州刺史

謝覽四百七十九文類聚七十二

案布絮當是絮巾之訛

注曰是時綱維不振閹豎專權岐擬前代

連珠之書四十章上之留中不出後漢書趙岐傳

注玉海五十四引趙岐擬前代連珠之書四十章上之

注曰岐還至陳倉復遇亂兵裸身得免在

草中十二日不食後漢書注同上

案以上所引文皆邠卿事故別紙錄之冠於卷首



草中十二日不食... 其日如數至刺食... 數相之書四... 封曰景朝... 其妻高為... 文因其妻高為...

子史鉤沈

劉向孝子傳

甘泉黃奭學

逸書考

素劉向孝子傳隋唐志皆不著錄惟玉海引唐許南容策京兆稱劉向修孝子之圖

舜

父夜臥夢見一鳳凰自名為雞口銜米以  
已言雞為子孫視之乃鳳凰以黃帝夢書  
之此子孫當有貴者舜占猶之比年糴稻  
中有錢舜也乃三日三夜仰天自告舜過  
穢之目霍然開

馬驥釋史卷十注





郭巨

巨河內溫人甚。父沒分財五千萬為兩。與兩弟已獨取母供養寄住鄰有凶宅無。店者共推與之居無禍患妻產男慮養之。而妨供養乃命妻抱兒欲掘地埋之於土中。出金一釜上有鐵券云賜孝子郭巨巨還宅。宅主不敢受遂以聞官官以券題還巨遂。得兼養兒。

御覽四  
百十一

董永

前漢董永千乘人少失母獨養父父亡無以。葬乃從人貸錢一萬永謂錢主曰後若無錢。還君當以身作奴主甚愜之永得錢葬父畢。將往為奴於路忽逢一婦人求為永妻永曰。今貧若是身為奴何敢屈夫人為妻婦人曰。願為君婦不恥貧賤永遂將婦人至錢主曰。本言一人今何有二永曰言一得二於理乖。乎主曰永妻曰何能妻曰能織耳主曰為我。織千疋絹即放爾夫妻於是索絲十日之內。



千疋絹足主驚遂放夫妻二人而去行至本  
相逢處乃謂永曰我是天之織女感君至孝  
天使我償之今君事了不得久停語訖雲霧  
四垂忽飛而去御覽

御覽  
本經神人至  
不食吾良魚  
亦其成林  
數皆當以  
我代其人  
而重承千乘  
人少失其  
義父父亦  
無以

子史鉤沈

蕭廣濟孝子傳

甘泉黃奭學

隋志蕭廣濟孝子傳十五卷晉  
輔國將軍蕭廣濟撰唐志同

曾參 閔損

以損與曾參門徒之中最有孝稱今言者莫  
不本之曾閔初學記  
十七

杜孝

杜孝巴郡人也少失父與母居至孝充役在  
成都母喜食生魚孝於蜀截大竹筒盛魚二

蕭廣濟孝子傳





頭塞之以草祝曰我母必得此因投中流婦

出渚乃見筒橫來觸岸異而取視有二魚含

笑曰必我婿所寄熟而進之聞者歎駭御覽四百

十一 藝文類聚九 十九 初學記十七

隗通

隗通字君相母好飲江水嘗乘舟楫致之漂

浚艱辛忽有橫石特起直麴江脊後取水無

復勞劇御覽

案水經若水注云水有孝子石昔縣人有隗叔通者性至孝為母給江膺水天為出

下石至江膺中今猶謂之孝子石可謂至誠發中而休應白天矣

辛繕

辛繕字幼文母喪精廬旁有大鳥頭高五尺

雞首鸚領魚尾蛇頸備五色而青棲於門樹

御覽

施延

施延字君子少盡色養之道赤眉之際將母

吳郡海鹽賃為半路亭卒每取月直以供

養督郵馮敷知其賢與飲食論道餉錢並不



文 御覽四  
百十四

王驚

王驚廬陵石陽人父喪未葬假瘞宅後野火

燦燎驚力不能救投火而死

御覽七百六十六

媯皓

媯皓字元起吳郡餘杭人父昆南郡太守以

事被劾皓年十六髡頭詣闕通章不省皓不

飲食懷石腰中但詣公卿門及行路時輒出

石置地叩頭流血覆面莫不傷懷遂奏理昆

罪

御覽同上 藝文類聚三十

伏恭

伏恭字叔齊琅邪東武人也伯父大司空湛

孝謹敦睦世號伏不鬪恭事後母著孝建武

初累遷太僕上臨辟雍於萬人中拜司空衆

以恭孝行故光之

御覽同上

蕭芝

蕭芝忠孝除尚書郎有雉數十頭飲啄宿止

當上直送至歧路下直及門飛鳴車側

御覽九

蕭齊志子傳



十七 藝文  
類聚九十

邢渠

邢渠失母與父仲居性至孝貧無子傭以給  
父父老齒落不能食渠嘗自哺之專專然代  
其喘息仲遂康休齒落更生百餘歲乃卒也

御覽  
同上

伍襲

伍襲字世公丁父憂廬墓側有一鹿每襲哭  
輒踞墳而悲御覽九  
百六

文讓

巴郡文讓養母至孝母死不用僮僕之力  
弟二人營築其墳墳土未足耕一畝地為墳  
斲歸取糧羣鳥數千銜所作壤以著墳上俄  
而成墳御覽三十七  
四百十一

申屠勲

申屠勲字君遊河內汲人少失父與母孤貧  
傭作供養夏天多蚊子臥母牀下以身遮之

御覽四  
百十三



又

申屠勳字君遊少失父與母居家貧備力供養作壽器用漆三斛十年乃成御覽七百六十六

宿倉舒

宿倉舒陳留尉氏人也年七歲遭荒父母饑苦倉舒求自賣與潁川王氏得大麥九斛後王氏免之累官除上黨太守後尋覓父母經太原南郭忽見母遂還舊居母卒悲號而死御覽同上

王脩

王脩字叔治北海人年七歲喪母母以社日

亡來年社日脩哀感悲號鄰人爲之罷社御覽

九百六

王祥

王祥後母病欲得黃雀炙祥思念卒難致百

與忽有數十黃雀飛入其幕御覽九百二十一

九十二 書鈔炙部 世說注引此文下 母之所須必自奔走無不得焉其誠至如此

又



王祥後母庭有榛樹始著子使守視祥晝驅

鳥雀夜則驚鼠時雨忽至祥抱樹至曙母見

惻然御覽九百七十世說注引榛作李案晉書王祥本傳作柰

桑虞

桑虞字子綱魏郡黎陽人晉黃門郎沖之子

喪父虞年十四毀瘠過禮日食百粒以糝藜

霍御覽七百六十六

郭世道

郭世道會稽永興人年十四喪父事後母勤

身供養婦生男夫婦共議養此兒所廢者大

乃瘞之母亡服竟追思未嘗釋衣御覽同上

郭原平

郭原平墓下有數十畝田不屬原平每至農

月耕者恆裸袒原平不欲使慢其墳墓乃歸

賣家資買此田三農之月輒束帶垂泣躬自

耕墾之御覽八百二十一

何子平

何子平廬江潯人事母至老為揚州從事月



俸得白米輒貨市粟麥人或問之荅曰尊老  
不辦常得米生何容得食白粲有贈鮭音者  
不可寄家則不肯受母喪年將六十有孺子  
之慕宋大明末饑荒八年不得營葬晝夜號  
叫居屋不蔽雨日兄子伯與為葺治子平曰  
我情事未申天地一罪人屋何宜覆御覽七

六

得風平

朱百年會稽山陰人家貧母以冬月亡無絮

自此不衣縣帛與同郡孔凱善時寒月就  
宿飲酒醉眠孔以臥具覆之百年覺引去

孔曰縣定奇溫因流涕悲痛御覽

陳元

陳元字子元陳侯太子七歲喪母父更娶田  
氏有子曰昭周氏讒元侯將殺元昭欲先  
元不聽引白羊誓曰孝者羊血逆上一丈一  
尺一如誓後又讒之侯怒令元自殺元投  
水有大魚負之元曰我罪人也魚乃去昭



後來問漁者云投水死矣昭氣絕良久曰云  
兄也又投水而死

鄧展

鄧展父母在牖下臥多蚊展伏牀下以自  
之御覽九百四十五

展勤

展勤少失父與母居傭作供養天多蚊臥  
牀下以身當之藝文類聚九十七

蕭國

蕭國遭喪有鵠遊其庭至暮而去麀入  
門與馬犬侶至旦而去御覽九百七十五

殷暉

殷暉生而謹愿七歲喪父哀號毀悴不為  
弄得瓜果可啖之物懷持進母未嘗先食

記十七○案廣事類賦十六不為戲  
弄上多勤身苦體以奉供養八字

杜牙

杜牙至孝母卒傭力營墳結茅墓側牙病嘗  
有一鹿銜哺之及牙卒乃掘地理之白帖鹿



三洲

案姓纂二十三談云三州孝子之後

三洲者人各一洲人皆孤單煢獨三人聞樹下息因相訪問老者曰寧可合為斷金少業耶二人曰諾即相約為父子因命二人入大澤中作舍且欲成父曰比不如河邊二人曰諾河邊舍幾成父曰又不如河中二人入填河二旬不立有一書生過之為縛兩土塼投河中會父往呼止之曰嘗見河可填耶則汝行耳相將而去明日俱至河邊望見河

七高丈餘

御覽六十一

魏陽

魏陽不知何處人獨與父居父有刀戟市南少年求之陽曰老父所服不敢相許少年怒道逢陽父打有脫陽叩頭請罪父沒陽斷少年頭以謝父冢前御覽三百五十二

五郡孝子

五郡孝子者中山常山魏郡鉅鹿趙國人也少去鄉里孤無父母相隨於衛國因結兄弟



長元重次仲重次叔重次季重次穉重朝夕  
相事財三千萬於空城中見一老姥兄弟下  
車再拜曰願爲母母許焉積二十四年母得  
病口不能言五子乃仰天歎願使我母語卽  
便得語謂五子曰吾太原董陽猛女嫁同郡  
張文賢死亡我男兒名馬遺七歲值亂亡失  
心前有七星右足有黑識語未竟而卒五子  
送喪會朝歌長晨出亡其記囊疑五子所竊  
收得三重詣河內告枉具言始末太守號天

曰生不識父與母相失痛不自聊知近爲五  
子所養馳使放三重

御覽三百七十二







一寒子猶尚垂心若遺母有三寒子也父

其言乃止

御覽四百十三

老萊子

老萊子者楚人行年七十父母俱存至孝蒸

燕常著斑蘭之衣為親取飲上堂脚踏恐傷

父母之心僵仆為嬰兒啼孔子曰父母老常

言不稱老為其傷老也若老萊子者可謂不

失孺子之心矣

御覽同上

仲子崔

仲子崔者仲由之子也初子路仕衛赴蒯贖

之亂衛人狐黶時守門殺子路子崔既長告

孔子欲報父讎夫子曰行矣子崔即行黶知

之於城西決戰其口黶持蒲弓木戟而與子

崔戰而死

御覽四百八十二

北宮氏女

北宮氏女嬰兒子者齊人也無兄弟而父母

老遂撤其環瑱誓不適人以奉養父母國人

聞之莫不相率以孝請女為趙王后齊使候



問使者曰北宮氏女嬰兒子無恙耶撤其環  
均至老不嫁以養父母此助王率民出於孝  
官也齊王聞之表其門以顯異焉御覽四百十五

魏連

魏連事父至孝和帝時拜昌邑令百姓不忍

欺大蝗連熟藝文類聚一百

趙徇

趙徇幼有孝性年五六歲時得甘美之物未  
嘗敢獨食必先以哺父出輒待還而後食過

不還則倚門啼以候父至數年父沒徇思

慕羸悴不異成人哭泣哀號居於塚側鄉里

亦稱名聞流著漢安帝時官至侍中御覽四百十四

初學程曾

程曾字孝孫桂陽人年七歲喪母哀號哭泣

異成人祖母憐之嚼肉食之覺有味便吐

御覽四百十三 藝文類聚二十引同

吳叔和



叔和捷為人母沒負土成墳有赤烏巢門

甘露降戶藝文類聚九十一

王祥王祥少行早失母後母憎而譖之祥孝

彌謹盛寒河水堅冰網罟不施母欲得生魚

祥解褐扣冰求之忽冰小開有雙魚出游祥

垂綸而獲之時人謂至孝所致也御覽二十六初學

記 祥不疑人哭立哀謝母於庭

不疑人哭立哀謝母於庭

子史鈎泐

唐明皇月令注解

集賢院學士

甘泉黃奭學

正月之節日在虛半為朔也

立春為正月之節謹案春秋傳曰履端於

始謂節也舉正於中謂氣也歸餘於終謂

閏也既有閏則立春進退不恆在正月朔

日故不定為孟春之月但得立春則是正

月之節可以行春令矣御覽二十八



昏昴中曉心中

案張參五經文字昏避廟諱改从氏今據改又案旦改作

曉者避唐諱也

黃昏時昴星正當午位曉時心星正當午

位凡記昏昴曉心中為人君南面而聽天

下觀時候以授人事也日入後三刻半為

昏日未出二刻半為曉也

全上○案汲古閣校本歲華紀

麗一引經正月之節缺之節二字引注晚為人君以下二語

斗建寅位之初

甘泉黃奭學

斗地十有二辰斗柄杓常左旋指地位故立

春正月之節則斗建寅位之初書云璿璣

玉衡以齊七政此之謂矣

御覽全上案璿璣之璣依表

文當改作樞蓋羣臣作表因明皇諱隆基故諱嫌名也今从御覽注

其日甲乙

春秋傳曰天有十日謂甲乙丙丁戊己庚

辛壬癸甲乙屬木主春故云其日甲乙

案唐諱丙注丙當依下經文作景丁

真帝太皞其神句芒

朝飲春

全上○再

昔太皞氏以木德繼天而王故為春帝高



辛氏有天下置五行之官木正曰句芒故

句芒為木神佐太皞於春全上○事類賦注

其蟲鱗其音角

謂樂器之聲三分羽益一以生角角數六

十四屬木以其清濁中人象也春氣和則

角聲調通典樂三案此依鄭注也通典引月令云正月其音角引注作人象不作民下更接云其二月三月不見名並在正月他物仿此係唐本無疑

律中大簇

律者候氣之管以竹為之中猶應也正月

氣至則大簇之律應謂吹灰也大簇者

林鐘所生三分益一管長八寸空徑二分

圍九分全上

其數八其性仁其事貌其味酸其臭羶

其祀戶祭先脾

春陽氣祀戶順陽氣也事類賦注

立春之日東風解凍後五日蟄蟲始振後五

日魚上冰

昔在周公作時訓定二十四氣辨七十二



候每候相去各五日以明天時將驗人事

言聖人奉順天時則萬物及節候也御覽全上

玉海十二引唐注周公作時訓定二十四氣辨七十二候

天子居青陽左个乘青輅駕蒼龍載青旂衣

青衣服蒼玉食麥與羊其器疏以達案玉海九十六

唐注月令十三太史以先立春三日謁於天子曰某日立春

盛德在木天子乃齊

立春之日天子親率公卿諸侯大夫以迎春

於東郊還乃賞公卿諸侯大夫於朝

迎春為祀青帝靈威仰於東郊以太皞配

以句芒歲星三辰七宿從祀帖白

命相布德和令行慶施惠下及兆人慶賜遂

行無有不當

命太史司天歷候日月星辰宿離不貸無失

經紀以初為常

歷推策也候占候也宿二十八宿也離猶

歷也七曜為經二十八宿為紀初謂孟春



歲首也

帖白

是月也命有司祭風師

立春之後丑日祭風師於國城東北

御覽全上

通典禮四

是月也命有司釁龜筮占兆審卦吉凶

周禮龜人上春釁龜謂建寅之月

御覽七百二十

五

正月中氣日在危

雨水為正月中氣凡中氣前後去節十五

日春秋傳曰舉正於中此之謂也

御覽

昏畢中曉尾中斗建寅位之中

雨水之日獺祭魚後五日鴻雁來後五日

木萌動

天子乃命有司布農事舍東郊修封疆端

術善相邱陵阪險原隰土地所宜五穀所殖

以教導人必躬親之田事既飭先定準直農

乃不惑

端正也徑步道也術車道也

帖白



天子乃以元日祈穀於上帝

元吉也謂上辛祈穀郊祀昊天上帝於圜

丘以高祖神堯皇帝配坐以五方帝從祀

於壇春秋傳曰啟蟄而郊祈而後耕此之

謂矣

御覽全上

乃擇元辰天子親載耒耜置之車右率公卿

諸侯大夫躬耕藉田天子三推三公五推卿

諸侯九推還讌飲於大寢公卿諸侯大夫

御命曰勞酒

辰亥也謂郊後吉亥享先農於東郊

神農也

御覽五百三十二

是月也命樂正習舞

春夏尚舞故命習之

御覽十八事類賦注

乃修祭典命祀岳鎮海瀆犧牲無用少

正月修祭典國重祭故歲首修之無用牝

為傷生生之類也

帖白

禁止伐木

為盛德所在

御覽全上



無麋無卵

無傷萌句之類

上全

無聚大衆無置城郭

妨農也

御覽一百九十三

掩骼埋胔

為死氣逆生氣枯骨曰骼肉腐曰胔

御覽十八

是月也不可以稱兵稱兵必有天殃兵戎不起不可從我始無變天之道無絕地之理無亂人之紀

孟春行夏令則雨水不時草木早落國時有恐行秋令則其人大疫飄風暴雨摠至藜莠蓬蒿並與行冬令則水潦為敗雪霜大摠首種不入

大摠傷也

事類賦注

二月之節日在營室

驚蟄為二月之節

御覽十八

昏東井中曉箕中斗建卯位之初

律中夾鍾



二月氣至則夾鍾之律應夾鍾者夷則之

上全

所生三分益一管長七寸四分

天子居青陽太廟

是月也安萌芽養幼少存諸孤

命有司省囹圄去桎梏無肆掠止獄訟

省減也囹圄所以禁守繫者則今之獄矣

木在手曰桎在足曰梏

全

是月也命樂正習舞

習舞為將釋奠

御覽五百三十五

上丁釋奠於國學天子乃率公卿諸侯親往

視之

釋謂置也置牲幣之奠於文宣王

御覽十八〇五

百三觀其禮也

御覽五百三十五

命有司上戊釋奠於太公廟

亦用牲幣之奠

御覽並全

是月也擇元日命人社



為祀社稷也春事興故祭之以祈農祥元

日謂近春分前後戊日元吉也御覽三百三

十二。歲華紀麗一。事類賦注。案衛

正叔禮記集說引邱氏曰唐李林甫等註

月令作元日命民社元日近春分前後戊

日與今註不同以社祭土土畏木甲屬木

故不用甲用戊者戊屬土故召譜曰越翼

代戊午乃社于新邑郊特牲用甲當是異

氏邱光庭也

二月中氣日在奎

春分為二月中氣御覽

十八

昏東井中曉南斗中斗建卯位之中

春分之日元鳥至後五日雷乃發聲後五日

知靈平九之外

是月也祀朝日於東郊

春分日祭之上全

天子獻羔開冰先薦寢廟

謂立春藏冰在春分方溫故獻羔以祭司

寒而後開冰春秋傳曰日在北陸而藏冰

西陸朝覲而出之上全

是月也日夜分則同度量平權衡



分平也因春分晝夜平則正之同亦平也

丈尺曰度斗斛曰量稱錘曰權稱上曰衡

儀禮八

是月也元鳥至之日以太牢祀於高禘天子

親往

燕以施生時來巢堂宇而孚乳產育之象

媒氏之官以為候變媒言禘言神之也昔

高辛氏之代元鳥遺卵簡狄吞之而生高

辛後王因以為媒官嘉祥而立其祠焉

八。事類賦箭注。案此條與鄭注異。同但兩書引經文不重至字又鄭注本作高辛氏之世今注作代避唐諱也以此定為唐注無疑

后妃率九嬪御乃禮天子所御帶以弓韉授

以弓矢於高禘之前

是月也命有司祭馬祖

謂仲春祭馬祖於大澤用剛日

是月也耕者少舍乃修闔扇寢廟畢備

無作大事以妨農事

興兵役之事時將耕慮妨農功



是月也無竭川澤無漉陂池無焚山林

無順陽養物也蓄水曰陂穿地通水曰池御覽

皇全

是月也祀不用犧牲用圭璧更皮幣

春行秋令則其國大水寒氣揔至寇戎來

征行冬令則陽氣不勝麥乃不熟人多相掠

行夏令則國乃大旱煖氣早來蟲螟為害

三月之節日在婁

清明為三月之節御覽

柳中曉南斗中斗建辰位之初

春中姑洗

三月氣至則姑洗之律應姑洗者南呂所

生也三分益一管長七寸一分全

清明之日桐始華後五日田鼠化為鴛後五

日虹始見

天子居青陽右个

是月也天子乃薦鞠衣於先帝

鞠衣衣名蓋黃桑之服薦於先帝者為進



於太廟

全上

命有司覆舟五覆五反乃告舟備具於天子焉天子始乘舟

薦鮪於寢廟

進時美味

御覽全上〇九百三十六

是月也生氣方盛陽氣發泄句者畢出萌者

盡達不可以內

天子布德行惠命有司發倉廩賜貧窮振乏絕開府庫出幣帛周天下勉諸侯聘名士禮

聘謂問也名士謂有名譽者也

御覽十八

二月中氣日在胃

穀雨為三月中氣

全上

昏張中曉南斗中斗建辰位之中

穀雨之日萍始生後五日鳴鳩拂其羽後五

日載勝降於桑

是月也天子命有司曰時雨將降下水上騰

巡行國邑周視原野修利隄防道達溝瀆開



通道路無有障塞

田獵置罟羅罔畢翳餒獸之藥無出國門

鳥獸字乳不可傷之無逆天時歲華紀麗一

是月也命有司無伐桑柘

愛蠶食也有司謂主山林之官御覽十八八百二

十五通典禮六紀麗引愛蠶食也

乃修蠶器后妃齊戒享先蠶而躬桑以勸蠶

蠶器謂薄槌蘧筐之類季春吉祀皇后享

先蠶先蠶天駟也享先蠶而後躬桑示率

先天下也御覽十八八百二十五通

考八十七路史後紀五俱引唐月令以先蠶為天駟

是月也命工師令百工審五庫之量金鐵皮

革筋角齒羽骨幹脂膠丹漆無或不良百工

咸理監工日號無停於時無作淫巧以蕩上

心

去毛曰革犀兕水牛之屬以為甲楯鼓

御覽三百五十七



是月也乃合累牛騰馬遊牝於牧犧牲駒犢  
舉書其數

累繫也騰躍也其牝欲遊則就牧而合

八百三十三

是月也擇吉日大合樂天子乃率公卿諸侯  
大夫親往之

大合樂者言行射禮

御覽十八

是月也命國儺九門磔攘以畢春氣

洪範傳曰言之不從則有犬禍犬為金也

故磔之於九門所以抑金扶木顯成春功

東方三門不礎春位不殺且盛德所在無

所禳御覽五百三十 通典禮 卅八紀麗一引有舛誤字

季春行冬令則寒氣時發草木百肅國有大

恐行夏令則人多疾疫時雨不降山陵不收

行秋令則天多沈陰淫雨旱降兵革並起

四月之節日在昴

立夏為四月之節御覽二十一 二十三

昏翼中曉牽牛中斗建巳旬之初



其日景丁

景丁屬火主百之故云其日景丁全十一

其帝炎帝其神祝融

昔炎帝神農氏以火德繼天而王故為夏

帝火正曰祝融為火神佐炎帝於夏全

其蟲羽

南方朱鳥羽蟲之長凡有羽之類皆歸於

火故曰其蟲羽全

其音徵

三分宮去一以生徵徵數五十四屬火以  
其徵一作徵清事之象也夏氣和則徵聲調  
樂記曰徵亂則衰其事勤全上。通典樂  
三注引同無樂  
記云

律中仲呂

四月氣至則仲呂之律應仲呂者無射之

所生三分益一管長六寸六分全

其數七其性禮其事視其味苦其臭焦

其祀竈祭先肺



立夏之日螻蝈鳴後五日蚯蚓出後五日王

瓜生天子居明堂左个乘朱輅駕赤駟載赤旂衣

朱衣服赤玉食菽與彘其器高以粗

太史以先立夏三日謁於天子曰某日立夏

盛德在火天子乃齊

立夏之日天子親率公卿大夫以迎夏於南

郊還乃行賞公卿諸侯大夫於朝慶賜遂行

無不欣說

去一以主禮也

迎夏為祀赤帝赤燹怒於南郊以炎帝配

以祝融熒惑三辰七宿從祀帖白

命相贊傑俊遂賢良舉長大

贊猶揚也遂猶達也傑俊謂才兼於人者

御覽二十一

行爵出祿必當其位

無虛授也上全

是月也命樂正習盛樂大雩帝

雩者祭天祈雨之名為將大雩先習盛樂



自鞞鞞至祝敵皆作故曰盛樂全上御覽十一引

零者祭天祈雨之名  
大零為用盛樂也

命有司禱祀山川古之卿士有益於人者以

祈穀實

是月也命有司祀雨師

立夏之後申日祀雨師於國城西南白帖通

典禮

四月中氣日在畢

小滿為四月中氣御覽二

昏軫中曉須女中斗建巳位之中

小滿之日苦菜秀後五日靡草死後五日小

暑至

挺重囚出輕繫

挺猶寬也重囚寬之至秋方決輕繫出而

捨之全上

是月也繼長增高無有壞墮

無起土功無發大衆無伐大樹

為妨蠶農之事全上日八  
百七十二



是月也天子初衣暑服

論語曰當暑紵絺綌謂暑服御覽全上

命有司巡行田原為天子勞農勉人無或失

時

勸農人以及時御覽八百二十二

是月也驅獸無害五穀

獸麋鹿之屬食穀苗驅之令勿害也御覽八百

三十

無大田獵

周禮中卡載曰古之中

恐傷生類

御覽

農乃登麥天子乃以彘嘗麥羞以含桃先薦

寢廟

含桃櫻桃也先薦寢廟後乃食之全上

是月也蠶事既登后妃獻繭乃收繭稅以桑

為均貴賤長幼如一以給郊廟之服

后妃獻繭進其成功也乃收繭稅十而取

一以桑為均者謂用桑多則繭多桑少則

繭少貴賤長幼如一各自以桑為均不得



以人貴賤長幼為差

御覽二十一引首一句餘見八百二十五

是月也天子飲耐用禮樂

酌之言醇也春酒至此始成與羣臣飲之

御覽全上二十一

孟夏行秋令則苦雨數來五穀不滋四鄙入

行冬令則草木早枯後乃大水敗其城郭

春令則蝗蟲為災暴風來格秀草不實

五月之節日在參

以參管地蓋以合將式轉

芒種為五月之節

御覽全上

昏角中曉危中斗建午位之初

律中蕤賓

五月氣至則蕤賓之律應蕤賓者應鐘之

所生三分益一管長六寸三分

芒種之日螳螂生後五日鵙始鳴後五日反

舌無聲

天子居明堂太廟

令人無艾藍以染無燒灰

是月也門閭無閉關市無索



唐明皇月令注疏  
順陽氣

歲華紀麗一

游北別羣則繫騰駒

恐相蹄齧

御覽全上二十一

班馬政

馬政謂掌十二閑養馬之政教全上

是月也聚蓄百藥

因草木蕃廡之時則採聚百藥全上

五月中氣日在東井

夏至為五月中氣全上

夏至之日鹿角解後五日蠋始鳴後五日半

夏至

是月也祀皇地祇於方丘

夏至之日祀黃地祇於方丘以高祖神堯

皇帝配坐以岳瀆等神從祀全上〇五

是月也日長至陰陽爭死生分

夏至之日漏刻長陽氣欲衰陰氣欲興陽

日生陰日死至之日相與分御覽全上二十一



君子齋戒處必掩身無躁

以陰陽相爭之時務欲安靜上全

止聲或進薄滋味無致和

謂陰陽始興身尚靜味尚薄上上○案陽當作氣

節嗜慾守心氣

微陰接禍不可散上全

百官靜守無刑以定晏陰之所成

是月也命有司祭先牧

謂仲夏祭先牧於大澤用剛日御覽五百二十四八

百三十三

是月也無用火於南方

陽氣盛又用火於其方害微陰御覽全上二十一

可以居高明可以遠眺望可以升山陵可以

處臺榭

是月暑氣方盛可以登高望遠順陽居上

上全

仲夏行冬令則雹凍傷穀道路不通暴兵來

至行春令則五穀晚熟百膳時起其國乃虛



行秋令則草木零落果實早成人殃於疫

登反又音時

騰神龜

音訓俱出五經文字

六月之節日在東井

小暑為六月之節

御覽全上

昏氏中曉東壁中斗建未位之初

律中林鍾

六月氣至則林鍾之律應林鍾者黃鍾之

所生三分去一管長六寸

全上

小暑之日温風至後五日蟋蟀居壁後五日

鷹乃學習

天子居明堂右个

是月也命有司染絲黼黻文章必以法故無

或差貸黑黃蒼赤莫不質良無敢詐偽以給

郊廟祭祀之服以為旗章以別貴賤等級之

度

六月中氣日在柳

大暑為六月中氣

全上



昏尾中曉奎中斗建未位之中

大暑之日腐草為螢後五日土潤溽暑後五

日大雨時行

乃燒薙行水利以殺草可以糞田疇可以美

土疆

薙謂迫地芟草也此謂欲耕萊田先薙其

草草乾燒之此月大雨流水潦蓄其中則

草死不復生而地美可耕稼也御覽八百二十一

是月也樹木方盛乃命有司入山行木無有

斬伐

為其未堅成也御覽二十一

不可以興土功不可以合諸侯不可以起兵

動眾

季夏行春令則穀實鮮落國多風欬人乃遷

徙行秋令則邱隰水潦禾稼不熟乃多女災

行冬令則風寒不時鷹隼早鷺四鄙入保

中央土

火休而盛德在土上全



其日戊巳

戊巳屬土故曰其日戊巳上全

其帝黃帝其神后土

昔黃帝軒轅氏以土德繼天而王故為黃

帝土官之神曰后土上全

其蟲倮

無毛羽鱗介之類上全

其音宮

聲始於宮宮數八十一屬土以其最大樂

記曰宮亂則荒其音嬌上全 四字疑脫通典樂四注引同無樂記云云 律中黃鍾之宮

黃鍾主十一月土在林鍾夷則之間各有分主不可假借故引黃鍾之清宮以為土律其管半黃鍾之管長四寸五分則黃鍾之清宮也故季夏十八日巳後土王氣至則黃鍾之宮應之也上全 其數五其性信其事思其味甘其臭香



其祀中霤祭先心

中霤猶中室也祭中霤之禮為俎先進心

也

全上 御覽 五百二十四

是月也祀黃帝於南郊

謂季夏土德王日則祀黃帝含樞紐於南

郊以軒轅配坐以后土鎮星從祀

御覽五百二十四

四

天子居太廟太室乘黃輅駕黃龍載黃沂衣黃衣服黃玉食稷與牛其器圓以閔

七月之節日在張

立秋為七月之節

御覽二十四

昏尾中曉婁中斗建申位之初

其日庚辛

庚辛屬金主秋故云其日庚辛

全上

其帝少皞其神蓐收

昔少皞氏以金德繼天而王故為秋帝金

正曰蓐收故蓐收為金神佐少皞於秋

全上

其蟲毛



西方白虎毛蟲之長凡有毛之類皆屬於

金故曰其蟲毛

全上案唐諱虎注白虎當依經文武始交改作

其音商

三分徵益一以生商商數七十二屬金以

其濁次宮臣之象也秋氣和則商聲調樂

記曰商亂則陂其官壞

全上。通典樂三

律中夷則

七月氣至則夷則之律應夷則者大呂之

所生三分去一管長五寸六分

全上

其數九

金生數四成數九但言九者舉其成數

其性義其事言

洪範五行傳曰西方金其性義其事言言

曰從從作又王者言從又和則神龜至

○事類賦注

其味辛其臭腥

凡臭味辛腥者皆屬於金

後覽

其祀門祭先肝



秋陰氣出祀之於門外陰也秋為陰中於  
藏值肝凡祀門為俎先進肝

立秋之日涼風至後五日白露降後五日寒  
蟬鳴

天子居總章左个乘白輅駕白駱載白旂衣  
白衣服白玉食酒與魚其器廉以深

總章左个當申上之室乘白輅衣白衣從  
秋色也食酒與魚秋味之宜也其器廉以

深象金傷害物入藏上全

太史以先立秋三日謁於天子曰某日立秋  
盛德在金天子乃齊

立秋之日天子親率公卿諸侯大夫以迎秋  
於西郊還乃賞軍帥武人於朝

迎秋為祀白帝白招拒於西郊以少皞配  
坐以蓐收太白三辰七宿從祀上全

乃命將帥選士勵兵簡練傑雋專任有功以  
征不義詰誅暴慢以明好惡順彼遠方

詰謂問其罪順猶服也上全



唐明皇月令注疏  
七月中氣日在張

處暑為七月中氣上全

昏箕中曉昴中斗建申位之中

處暑之日鷹乃祭鳥後五日天地始肅後五

日禾乃登

是月也命有司修法制繕囹圄具桎梏斷薄

刑決小罪

是月也築場圃農乃登穀天子嘗新先薦寢

廟

是月也命有司納材葦

蒲葦之屬此時柔脆可取作器物御覽全上

修宮室坏牆垣補城郭

為經夏雨損立秋後修補御覽全上

孟秋行冬令則陰氣大勝介蟲敗穀戎兵乃

來行春令則其國乃旱陽氣復還五穀無實

行夏令則其國火災寒熱不節人多瘡疾

八月之節日在翼

白露為八月之節上全



昏南斗中曉畢中斗建酉位之初

律中南呂

八月氣至則南呂之律應南呂者太族之

所生三分去一管長五寸三分

上全

白露之日鴻鷹來後五日元鳥歸後五日羣

鳥養羞

天子居總章太廟

是月也養衰老授几杖行糜粥飲食

行猶賜也

上全

是月也命有司循行犧牲視全具案芻豢  
肥瘠察物色必比類量小大視長短皆中  
五者備當上帝其饗

是月也天子乃儺以達秋氣

此儺儺陽氣恐傷暑至此不衰害亦將及

人故儺以通秋氣方欲助秋故不儺犬

狗

全上 五百三十

通禮卅八傷作陽

是月也命樂正習吹上丁釋奠於國學天子

乃率諸侯大夫親往視之



春夏尚舞秋冬尚吹習之為將釋奠御覽全上

二十四 五百三十五○事類賦注

是月也命有司上戊釋奠於太公廟

是月也擇元日命人社

賽秋成也元日謂近秋分前後戊日御覽五百

三十二 歲華紀麗三引下七字

八月中氣日在軫

秋分為八月中氣御覽二十四

昏南斗中曉東井中斗建酉位之中

秋分之日雷乃收聲後五日蟄蟲坯戶後五

日水始涸

是月也祀夕月於西郊

秋分祀祀之全上

是月也命有司享壽星於南郊

秋分日祭壽星於南郊壽星南極老人星

全上 通 典禮四

日夜分則同度量平權衡

因秋分晝夜平則正之御覽全上



是月也命有司祭馬社

謂中秋祭焉社於大澤用剛日

天子嘗麻於寢廟

命有司申嚴百刑斬殺必當無留罪無或枉撓枉撓不當反受其殃

是月也勸人種麥無或失時

仲秋行春令則秋雨不降草木生榮國乃有恐行夏令則其國乃旱蟄蟲不藏五穀復上行冬令則風災數起收雷先行草木早死

九月之節日在角

寒露為九月之節

昏牽牛中曉東井中斗建戌位之初

律中無射

九月氣至則無射之律應無射夾鍾之所

生三分去一管長四寸九分

寒露之日鴻鷹來賓後五日雀入大水為蛤

後五日菊有黃華

天子居總章右个



命有司申嚴號令命百官貴賤無不務內以會天地之藏無有宣出

是月也命有司伐蛟取鼉登龜取鼈

四者甲類秋乃堅成故是月登取也

九月中氣自在氏

霜降為九月中氣也

昏須女中曉柳中斗建戌位之中

霜降之日豺乃祭獸後五日草木黃落後五日蟄蟲咸俯

日蟄蟲咸俯

是月也霜始降則百工休

謂膠漆之作停止

乃命有司曰寒氣摠至人力不其皆入室

霜降後清風戒寒所以令入室也

是月也命有司具飭衣裳文繡有恒衣服有

量冠帶有常必循其故

是月也天子嘗稻先薦寢廟

稻初熟也

乃命有司農事備收舉五穀之要藏帝藉於



神倉祇敬必飭

是月也命有司合秩芻以養犧牲以供皇天

上帝名山大川四方之神以祠宗廟社稷之

靈為人祈福

秩芻謂草稅也

歲華紀麗三

命樂正習吹大饗帝於明堂

謂祀昊天於明堂五方帝五官從祀

命有司嘗犧牲告備於天子

是月也趣人收斂務蓄菜

始為御冬之備

歲華紀麗三案此依鄭注也鄭注作始為御

冬之備也引注始為下缺一字滋唐本

當定作人他本徑

乃伐薪為炭

其伐必因殺氣

御覽全上

季秋行夏令則其國大水冬藏殃敗人多軌

曠行冬令則國多盜賊邊境不寧土地分裂

行春令則煖風來至人氣解情師興不居

十月之節日在房



立冬為十月之節御覽二十六

昏虛中曉張中斗建亥位之初

其日壬癸

士癸屬水主冬上全

其帝顓頊其神元冥

昔顓頊氏以水德繼天而王故為冬帝水

正曰元冥故元冥為水神佐顓頊於冬上全

其蟲介

北方元武介蟲之長凡有甲之類皆屬於

水故曰其蟲介介甲也上全

其音羽

三分商去一以生羽羽數四十八屬水以

為最清物之象也冬氣和則羽聲調樂記

曰羽亂則危其財匱上全○通典樂三注

律中應鍾

十月氣至則應鍾之律應鍾者姑洗之

所生三分去一管長四寸七分上全

其數六其性智其事聽



其味鹹其臭朽

凡臭味鹹朽者皆屬於水

上全

其祀并祭先賢

立冬之日水始冰後五日地始凍後五日野

雞入大水為蜃

天子居元堂左个乘元輅駕鐵驪載元旂衣

先衣服元玉食黍與鷹其器閔以掩

食黍與鷹冬味之宜

上全

史以先立冬三日謁於天子曰某日立冬

盛德在水天子乃齊

立冬之日天子迎率公卿諸侯大夫以迎冬

於北郊

迎冬為祀黑帝汁光紀於北郊以顓頊配

坐以元冥恒星三辰七宿從祀

上全

還乃賞死事恤孤寡

察阿黨則罪無有掩蔽

是月也可以築城郭造宮室穿竇塞修囷倉

謂改築城郭創造宮室修囷倉以備積貯



上全

是月也天子始裘

謂初衣寒衣

是月也祭神州地祇於北郊

謂立冬日祭神州地祇於北郊太宗文皇帝

皇帝配坐

是月也命有司祭司寒

謂孟冬祭司寒於北郊

是月也命有司祭司中司命司人司

謂立冬後亥日祭於國城西北

是月中氣日在尾

小雪為十月中氣

昏危中曉翼中斗建亥位之中

小雪之日虹藏不見後五日天氣上騰地氣

下降後五日閉塞而成冬

命有司謹蓋藏循行積聚無有不斂

蓋藏謂府庫囷倉之類

坏城郭戒門閭修鍵閉備邊境謹關梁塞蹊



徑

蹊徑謂山澤禽獸道

御覽二十六

筋喪紀辨衣裳審棺槨之薄厚塋邱壟之卜  
大高卑厚薄之度貴賤之等級

是月也命工師效功陳祭器案度程無作淫  
巧以蕩上心功致為上物勒工名以考其誠  
功有不當必行其罪

是月也大飲烝勞農以休息

十月農事既畢黨正屬民飲酒正齒位是

也詩曰十月滌場朋酒斯饗指此

歲時紀麗四

案此依鄭注也紀麗用唐注民當作人今作民者後人所改

是月也易關市來征旅納貨賄以便人事四  
方來集遠鄉皆至則財不匱上無乏用百事  
乃遂

是月也命有司收水澤之賦無令侵削兆人  
以為天子取怨於下其有若此者行罪無赦  
川賦魚鹽蜃蛤之類澤賦萑蒲之類

華紀麗四

唐月是月令注釋

三五



是月也乃命有司秣稻必齊麩藥必時湛熾必潔水泉必香淘器必良火齊必得兼用六物酒官監之無有差貸

有司謂煮酒之官六物者一曰秣稻二曰麩藥三曰湛熾四曰水泉五曰淘器六曰火齊命酒官監之無有差貸差貸謂失誤

善惡御覽八百四十三

孟冬行春令則凍閉不密地氣上泄人多流亡行夏令則國多暴風方冬不寒蟄蟲復出

巽為風立夏巽用事故行夏令則多暴風夏氣干時方冬而溫蟲以寒蟄溫而復出

御覽三十四

行秋令則雪霜不時小兵時起土地侵削

十一月之節日在箕

大雪為十一月之節

御覽二十六

昏營室中曉軫中斗建子位之初

律中黃鍾

十一月氣至則黃鍾之律應黃鍾者律之



始也管長九寸

上全

大雪之日鷓鴣不鳴後五日武始交後五日

荔挺出

天子居明堂太廟

命有司土事無作無發室屋及起大眾以固

而閉地氣且泄是謂發天地之房諸蟄則死

人必疾疫又隨以喪

是月也命內宰申宮令審門閭謹房室必重

閉雖有貴戚近習無有不禁

命有司祈祀四海大川名源井泉

十一月中氣日在南斗

冬至為十一月中氣

御覽全上

昏東壁中曉角中斗建子位之中

冬至之日蚯蚓結後五日麋角解後五日本

泉動

是月也祀昊天上帝於圜丘

謂冬至日祀昊天上帝於圓丘以高祖神

堯皇帝配坐以五方帝及日月星辰及內



外星官等從祀於壇

御覽全上。汲古閣校本歲華紀麗四引

此注字句有脫誤

是月也農有不收藏積聚者馬牛禽獸有放逸者取之不詰

禾在野牛馬傷之人有取者不罪所以戒

其主也

歲華紀麗四

山林藪澤有能取蔬食田獵禽獸者有司殺道之其有相侵奪者罪之赦

是月也命有司祭馬步

御覽全上

謂仲冬祭馬步於大澤用剛日

御覽全上十六

是月也伐木取竹箭

全上

三百四十九。歲華紀麗四

是月也日短至陰陽爭諸生蕩

君子齊戒處必掩身身無躁去聲色禁嗜慾安形性事欲靜以待陰陽之所定

是月也可以罷官之無事去器之無用者

仲冬行夏令則其國乃旱氛霧冥冥雷乃發聲行秋令則天時雨汁瓜瓠不成國有大兵



行春令則蟲蝗為敗水泉咸竭人多疥癩

十二月之節日在南斗皇曆謂其冥雷八

小寒為十二月之節御覽全上二十六

昏奎中曉亢中斗建丑位之初

律中大呂

十二月氣至則大呂之律應大呂者蕤賓

之所生三分益一管長八寸四分全上

小寒之日鷹北鄉後五日鵲始巢後五日野

雉始雊

天子居元堂右个

命將帥講武習射御角力乃教田獵以習五

戎班馬政命僕夫七駟咸駕載旌旒授車以

級整設於屏外有司摺扑北面以誓之天子

乃厲節執弓挾矢以獵

講武角力校武士材力所以備畋獵之禮

厲節謂衣戎服尚威武以獵全上

命有司修祭禽之禮

修祭禽之禮謂以所獵得禽獸以供禘祭



上全

天子乃禘百神於南郊為來年祈福於天宗

五經文字云經典作蜡唯新月令作禘音作。通典禮四云今取祭義故从示

禘臘日祭之名也百神神農后稷句芒田

峻岳鎮海瀆邱陵墳隰鱗介羽毛之類天

宗日月星辰之屬是也白帖。歲華紀麗四引無百神注

十二月中氣日在虛女

大寒為十二月中氣

昏婁中曉氏中斗建丑位之中

大寒之日雞始乳後五日鶯鳥厲疾後五日

水澤腹堅

是月也命有司始漁天子親往乃嘗魚先薦

寢廟

時魚潔美御覽二十六

冰方盛命取而藏之

春秋傳曰日在北陸而藏冰御覽二十六

冰已入令告人出五種命農計耦耕修耒耜

具田器



亦既入令有司告人出五穀之種明大寒

氣過農事將興修田器御覽八百二十三

二十六引寒氣

命有司出土牛以示農耕之早晚

謂於國城之南立土牛若立春在十二月

望則策牛人近前示其農早也立春在十

二月晦及正月朔則策牛人當中示其農

平也立春近正月望則策牛人近後示其

農晚也

御覽二十六引無首一語从白帖

是月也日窮於次月窮於紀星回於天數將  
幾終歲且更始專其農人無有所使

言運行周而於故處次舍也紀猶會也德

三

天子乃與公卿大夫共飭國典論時令以待  
來歲之宜

周官建寅之月懸法於象魏以示人四時

之令皆以此為準故以建丑之月與公卿

先飭之

御覽二



是月也合諸侯制百縣為來歲受朔日與諸侯所稅於人輕重之法貢職之數以遠近土宜為度以給郊廟之事無有所私

乃命有司次諸侯之列賦之犧牲以共享祀乃命同姓之邦共寢廟之芻豢

凡在天下九州之人無不咸獻其力以共皇天上帝社稷寢廟山林川澤之祀

人非神福不生

歲華紀麗四

命樂正大合吹而罷

乃命有司收秩薪柴以供郊廟及百祀之薪燎

命有司大雊旁磔以送寒氣

大雊為歲終逐除陰疫以送寒氣故周官

命方相氏率百隸索室驅疫以逐之旁謂

王城四旁十二門也磔謂磔犬於門也春

磔九門冬禮大故徧磔於十二門所以扶

陽抑陰之義犬屬金冬盡春興春為木故

殺金以助木氣

御覽二十六

通典禮三十八



季冬行秋令則白露早降介蟲為妖四鄙入  
保行春令則胎夭多傷國多固疾命之日逆  
行夏令則水潦敗國時雪不降冰凍消釋

王姓四變十二四也

命式師刃率百精

大綱為氣

命音臣大附

命命音臣

命命音臣



